

Fas Tesalonaeka Nægkiariien sə rani mə nəfe i nəkukuə

Pol ramavən maməvisau irapw nəgkiariien amasan səvəi Kristo ia kwopun me. Ia navəniən səvənhi sə ro kəru irə rərpwi vi a nousəsəmwiniən səvəi nakalasia me fwe Tesalonaeka. In rarə fwe ikən nəfwakiien kahar nənə mier ti nəri nə mə nəkur Isrel həmwəki in, mhometə in. Ia nuk 51 Timoti rərhi pen nəkukuə riti revən ti Pol maməgkiari ia narəien səvəi nakalasia me fwe Tesalonaeka. Pol ramarə fwe Korin nəpən in ruvehi nəkukuə səvəi Timoti. In rokeikei mə truvehi utə nətərigiən səvəi nəkur Tesalonaeka ro pen rirai nəkukuə i. Pol rinaməgnəgini nəkur Tesalonaeka ti nəri nə mə hamərər əknekən ia nahatətəien səvənraha nəpən nərmama hamometə irəha. In ramahatən irəha ia narəien sə ratukwatukw ia nəmri Kumwesən, mamahatən mwi irəha ia nuveheien səvəi Iesu. Kitaha səreirei mə Iesu truvehe ia nəfe nəpən. Ro pen tsaməmwur ia noien amasan meste nuveheien səvəi Iesu Kristo.

¹ Iou Pol, Saelas, mine Timoti.

Nəkukuə i rauvehe tukumiaha nakalasia me fwe Tesalonaeka. Kimiaha nərmama səvəi Kumwesən tata səkitaha mine Iesu Kristo Iərimənu səkitaha.

Pwəh namasanien mine nəməriniən krauarə tukumiaha.

*Kini vivi Kumwesən ti nahatətəien səvəi nəkur
Tesalonaeka*

² Nəpɪn me pam iahaməni kimiaha ia nəfwakiien me səkimaha, nənə mamhəni vivi Kumwesən tukumiaha pam, ³ ti nəri nə mə ia nəmri Kumwesən Tata səkitaha rerimaha ramrhi noien amasan səkimiaha sə ruku pen ia nahatətəien, mine nəmwurien səkimiaha sə ruku pen ia nokeikeiien, mine nərerien səkimiaha sə hiamərer əknekɪn irə ti nəri nə mə hiəmri pen əknekɪn nətərigien səkimiaha ia lərimənu səkitaha Iesu Kristo.

⁴ Piak me, Kumwesən rokeikei kimiaha, nənə muvərɸi raka kimiaha mə kimiaha nərmama me səvənhɪ. Kimaha iahəukurən amasan mə nəri nəha ro nɪpərhienien ⁵ ti nəri nə mə nəpɪn nəgkiariien amasan sə iahaməvisau irapw i rɪməuvehe tukumiaha fwe kupwən, rɪpkuvehe mhə ia nəgkiariien a, mətə ruvehe mwi ia nəgsen, mine Nənimwɪn Ikinan, mine ia suatuk riti sə rahatən pen mə hiamahatətə pərhien irə. Nənə nəpɪn iahənarə kitaha m kimiaha, hiəukurən mə iahənəfarə irə. Iahəno a narimnari me rasitu ia kimiaha. ⁶ Nənə ia nəpɪn nəha hiəuvehe mhəmwhen a ia kimaha mine lərimənu səkitaha, ti nəri nə mə nəpɪn kuvei pehe nəgkiariien səvəi Kumwesən m kimiaha nənə hiəuvehi nərmama ho nəmisəien asori m kimiaha, mətə Nənimwɪn Ikinan ro rerimiaha ragien a. ⁷ Ia noien nəha hiənahatən suatuk amasan riti m nərmama me pam səməme kamhatətə fwe profens mi nəha Masetonia mine

1:2: Fil 1:3-4, Kol 1:3, 2Tes 1:11 **1:3:** 1Kor 13:13, Kol 1:4-6

1:5: 1Kor 2:4-5, 1Kor 4:20 **1:6:** 1Kor 4:16, 2Tes 3:9, Wok Me 17:5-9 **1:7:** 1Tes 5:3

Akaea mə tuhəsi pen noien səkimiaha. ⁸ Iakani iaminihi irə ti nəri nə mə kimiaha hiənəvisau irapw raka nəgkiariien səvəi İərimənu kuvəregi ia kwopun me rəmwhen ia kisipw rasək. Ripko mhə fwe Masetonia əpa mine Akaea, mətə nərmama ia kwopun me pam həuvəregi raka kamini mə hiənəfo mhəuvehe mhahatətə ia Kumwesən. Ro iaminihi irə kimaha tahəni nəgkiariien riti ti nəfe. ⁹ Nərmama me pam nəha kamhəgkiari ia kitaha, mamhəni mə nəpən iahəuvehe mhətə kimiaha fwe kupwən, hiəsevər ia rerimiahaha tukumaha, nənə mharaka ia nənimwi nari me səkimiaha səməme hiaməfwaki pen minraha, mhəuvehe mhəkuriə Kumwesən səkimaha. İrəha kamhəni mə ipwet mine hiamo tukwini nari m Kumwesən pərhiən sə ramiru, ¹⁰ mamheitenhi tini sə in rino rətui mwi ia nemhəien. Tini nəha İesu sə truku pen ia neiai, muvehe, muvehi raka kitaha ti niemaha səvəi Kumwesən ia nəpən rauvehe.

2

Wok sə Pol rino fwe Tesalonaeka

¹ Piak me, kimiaha hiəukurən mə nəpən iahəuvehe mhətoni kimiaha fwe kupwən, nuveheien səkimaha ripko mhə nəri auər a irə. ² Hiəukurən mə nəpən iahamarə ihi fwe Filipae, nərmama ho nəmisəien m kimaha, mhəni ərəha kimaha. Mətə Kumwesən səkitaha rino nətərigien səkimaha riskai iahəuvehe mhəni irapw nəgkiariien amasan səvənhi tukumiaha ia nəmri

1:8: Rom 1:8 **1:9:** Wok Me 14:15 **1:10:** Taet 2:13, Wok Me 17:31, 1Tes 5:9 **2:1:** 1Tes 1:5,9 **2:2:** Wok Me 16:19-24, Wok Me 17:1-9

nərmama həpik səməme həmwəki nəgkiariien nəha. ³ Nənə hiəukurən mə nəgkiariien səkimaha iahənəvisau irapw m kimiaha rier ia tərhumaha ti nəfe? Ti nəri nə mə iahərkwafə nətərigien ərəha riti ia rerimaha, uə iahəmwur mə taheikuə ia kimiaha, uə taho nifeifeien m kimiaha? Rekəm! ⁴ Iahəpwəh noien iamınha irə, mətə ia nəpın me iahaməni nəgkiariien sə Kumwesən rokeikei, ti nəri nə mə in rinətə raka kimaha mə iahəmwhen, rəmri pehe nəgkiariien amasan səvənhi ia tıpage rəgimaha. Ro iamınhi irə iahəpkəmwur mhə mə nərmama rerınraha tragien tukumaha, mətə iahaməmwur mə Kumwesən sə ramətə nətərigien səkimaha rerın tragien tukumaha. ⁵ Rəmwhen kimiaha hiəuvəukurən raka kimaha iahəpkuvehe mhə mhəni nəgkiariien əsien me tukumiaha, uə nəgkiariien sə tahəvi kimiaha irə hiəuvehe mhəuvei pehe mane m kimaha. Kumwesən mwi rukurən mə nəgkiariien i ro nıpərhiendien! ⁶ Nənə iahəpkəmwur mhə mə taho nərmama həgnəgini kimaha. Iahəpwəh noien iamınhi irə ia kimiaha uə ia nərmama nepwın mwi.

⁷ Nənə nari riti ti nəri nə mə kimaha aposol me səvəi Kristo iahəukurən niniien mə tihəməkeikei mhəsiai kimaha rəmwhen ia nəmə asori me, mətə iahəpkə mhə iamınhi irə. Nəpın iahamarə kitaha m kimiaha fwe kupwən, noien səkimaha rıməru rəmwhen ia mama riti sə ramətui amasan ti nıpwın me. ⁸ Iahokeikei pik kimiaha, ro pen ia nəpın me nəha rerimaha ragien ti nini irapwien nəgkiariien amasan səvəi Kumwesən tukumiaha.

2:4: 1Tim 1:11, Kal 1:10, Jer 11:20 **2:5:** Wok Me 20:33, 2Tes 2:3, Rom 1:9, 1Tes 2:10 **2:6:** Jon 5:41,44

Mətə ripko mhə in əpa i, rerimaha ragien a mwi ti nuvei peheien nimiruien səkimiaha m kimiaha ti nəri nə mə iahokeikei pik kimiaha.

⁹ Piak me, rerimiaha ramrhi wok skai sə iahəno uə rekəm? Nəpɪn iahaməni irapw nəgkiariien amasan səvəi Kumwesən tukumiaha, iahamo wok ia rəgimaha ia nəpɪn mine ia ran mə tahəpwəh nəres peheien nari riti tukumiaha.

¹⁰ Kimiaha mine Kumwesən mwi hiəukurən mə nəgkiariien i ro nɪpərhienien! Nəpɪn iahamarə kitaha m kimiaha nərmama hiamahatətə ia Kumwesən, noien səkimaha ro ikinan, matukwatukw, məmher. ¹¹ Hiəukurən mə iahəno m kimiaha rəmwhen ia tata riti ramo m nɪpwnətɪn me. ¹² Iahamərpwi əknekin kimiaha, mamhəuvehi utə nətərigien səkimiaha, nənə mamhəgkiari skai m kimiaha mə tiharə ia narəien sə ratukwatukw ia nəmri Kumwesən. In raməkwein kimiaha mə tihəuvehe ia nəkwai nitətə sə in ramərimənu irə mamhəhiapw.

¹³ Nari riti mwi nəha ikin ia nəpɪn me pam iahaməni vivi Kumwesən tukwe. Nəpɪn iahəni pehe nəgkiariien səvəi Kumwesən tukumiaha, kimiaha hiəregi, mhəuvehi nəgkiariien nəha, mhəni nɪpərhienien irə. Hiəpkuvehi mhə nəgkiariien nəha rəmwhen ia nəgkiariien səvəi iərmama, mətə hiəuvehi atukwatukw mhəukurən mə nəgkiariien i in pərhien nəgkiariien səvəi Kumwesən. Nəgkiariien nəha rauverə ia kimiaha səməme hiaməni nɪpərhienien irə. ¹⁴ Piak me, hiəukurən nakalasia me səvəi Kumwesən fwe tənə Jutia kamhəni nɪpərhienien ia Iesu Kristo.

2:9: Wok Me 20:34, 1Kor 4:12
1:11-12

2:13: 1Tes 1:2, 2Tes 2:13, Kal

2:14: Wok Me 17:5

Kimiaha hiəuvəuvehe mhənəmwhen raka ia nirəha. Iakani iamīnhi irə ti nəri nə mə nəmisiəien me nəha nəkur Isrel həno mīnraha nəkur imwəmiaha me həno rəmwhen a mwī ia kimiaha. ¹⁵ Nəkur Isrel me nəha irəha hənəusi əpune Iesu Iərimənu səkitaha, mīne profet kupwən me, nənə mhəkoui irapw kimaha iahəier. Kumwesən rerin rīpkagien anan mhə ti nirəha. Irəha kamhəmwəki nərmama me pam, ¹⁶ mamhəmwur mə tuhənise kimaha iahəpwəh nəgkiariien m nərmama rīpko mhə irəha nəkur Isrel kamo Kumwesən ruvehimīru irəha. Ia noien nəha kamhakutan pen noien ərəha səvənraha meste trukuər. Mətə təkwtəkwuni nəha niemaha səvəi Kumwesən ruvəuvehe mīneste irəha.

Pol rokeikei pik mə trətoni mwī nəkur Tesalonaeka

¹⁷ Piak me, fwe kupwən kimaha iahənəpwəh kimiaha ia nīpwramaha mhəuvən isipwīn tukumiaha səvəi nəpīn ouihī, mətə nətərigien səkimaha raməmak ihī ia kimiaha. Ia nəpīn nəha iahaməmwur pik mə tahərərig mhətoni mwī kimiaha ti nəri nə mə iahokeikei pik kimiaha. ¹⁸ Iahənokeikei mə tahəuvehe mhətoni kimiaha, iou, Pol, iakani pərhiēn mə iakinəmwur nəpīn rīpik, mətə Setan rəsīsəg kimaha. ¹⁹ Nəfe nəha iahaməmri pen əknekīn nətərigien səkimaha irə, uə nəfe nəha nagienien səkimaha mīne kəfəfau səvəi nīsiāiēn sə tahərpwī kimaha tukwe ia nəmri Iərimənu səkitaha Iesu nəpīn in truvehe irə? Rosi kimiaha nə uə? ²⁰ Ouəh nīpərhiēnien, kimiaha nə

2:15: Wok Me 2:23, 7:52 **2:16:** Mat 23:32-33 **2:17:** 1Tes 3:10 **2:19:** Fil 2:15-16, 4:1, 2Tes 1:4

nərmama iahamərpwi kımaha tukumiaha, nənə rerımaha ramagien tukumiaha.

3

¹ Nəpın kımaha iahəuvavən isipwın tukumiaha, rerımaha rəpou pik ti nəri nə mə iahəreirei mə hiamarə amasan uə rekəm. Ro iamınhi irə iahəni simwın mə iou mine Saelas trauarə kımrau əpa ia taon nəha Atens, ² mətə Timoti truvehe mətəni kımiaha. In piəvtaha riti sə ramo wok səvəi Kumwesən kımaha min, iahaməvisau irapw nəgkiariien amasan səvəi Kristo. Kımaha iahərhi pehe in tukumiaha mə trasitu ia kımiaha muvehi utə nətərigien səkımiaha, nənə mərpwi əknekın kımiaha ia nahatətəien səkımiaha, ³ mə nəmisəien me i kamo m kımiaha tuhəpwəh noien kımiaha riti rımwei. Hiəuvəukurən raka mə nəri in i kımərfi raka mə tuko m kitaha iamınhi irə. ⁴ Nəpın iahamarə kitaha m kımiaha fwe kupwən iahaməni pehe tukumiaha mə tuko nəmisəien m kitaha. Nənə hiəukurən amasan mə ruvəuvehe mino nıpərhiēien irə rəmwhen iahəməni tukumiaha i. ⁵ Ro iamınhi irə nəpın rerik rəpou pik ti nəri nə mə iakreirei mə hiamarə amasan uə rekəm nənə iakərhi pehe Timoti mə truvehe mətəni ro nahatətəien səkımiaha mə ramskai ihi uə rekəm. Iakamhekır mə ia suatuk riti Setan sə raməmwur mə tro nərmama həmwei ia nərəhaien rino raka kımiaha hiəmwei ia nərəhaien, nənə wok səkimaha tro nəri auər a irə.

Timoti rırərig pehe məvisau nəgkiariien amasan riti m Pol mine Saelas

3:1: Wok Me 17:15 **3:2:** Wok Me 16:1-3 **3:3:** Efes 3:13, 2Tim 3:12 **3:4:** Wok Me 14:22 **3:5:** Fil 2:16

6 Təkwətəkwuni nəha Timoti ruvərərīg pehe mwi tukumaha, nənə məvisau pehe m kımaha nəgkiariien amasan i raməgkiari ia nahatətəien mine nokeikeiien səkimiaha. In rıməni pehe tukumaha i mə rerımiaha ramrhi ihi kımaha ia nagienien, nənə mhokeikei mə tihətoni kımaha rəmwhen a ia kımaha iahokeikei mə tahətoni kımiaha. ⁷ Ro iamınhi irə, piak me, nəri auər a iahamregi rərəha ia nəmisəien me i kamo m kımaha, mətə nəgkiariien səvai nahatətəien səkimiaha rıməuvehi utə nətərīgien səkimaha tukumiaha. ⁸ Nəpın kımaha iahəregi mə kımiaha hiamərər əknekın tı İərimənu səkitaha iahəregi mə iahəuvehi mwi nımıruien. ⁹ Ia nəmri Kumwesən səkitaha rerımaha ramagien tukumiaha. Nagienien nəha rasori pik mamō kımaha iahaməni vivi Kumwesən tukumiaha. ¹⁰ Ia nəpın me pam ia nəpın mine ia ran iahaməfwaki skai mə tahətoni mwi kımiaha, mhahatən kımiaha ia nəfe hiəreirei ihi mə nahatətəien səkimiaha triskai mwi.

¹¹ Nənə pwəh Kumwesən tata səkitaha, mine İesu İərimənu səkitaha, trouo suatuk riti səkimaha tı nuveheien mhətoni kımiaha. ¹² Pwəh İərimənu səkitaha tro nokeikeiien i hiamō m kımiaha me mine nərmama me pam ruvehe masori mwi rəmwhen ia nokeikeiien səkimaha rasori tukumiaha. ¹³ Ia noien i in tro rerımiaha riskai. Nənə ia nəpın nəha İesu İərimənu səkitaha truvehe irə irəha nərmama ikinan me səvənhi, tihərer ia nəmri Kumwesən tata səkitaha, mhatukwatukw, mhəmher.

4

Nāfe nāha noien nākur afwaki me tuho Kumwesən rerin ragien ti nirāha

¹ Piak me, takaməkeikei mægkiari ia narimnari nepwīn. Iahənahatən raka kīmiaha ia nāfe noien sə tiho mə Kumwesən rerin ragien tukumiaha. Nīpərhiēnien i hiəno raka. Nənə təkwtəkwuni iahaməres kīmiaha nənə mamhəres skai ia nəghi Iesu Iərimənu səkitaha mə tihamo a iamīnhi irə mamhəuvən. ² Hiəuvəukurən raka nəvəhagian me nāha səməme iahəuvei pehe m kīmiaha fwe kupwən ia nəghi Iesu Iərimənu səkitaha.

³ Nəri in i nəkwai Kumwesən mə kīmiaha tihəmher, mhō nəkur ikinan me səvənhi ia kīmiaha. Tihəpwəh nesi penien suatuk səvəi nīpran mīne nərman səməme kamhəiri əpnāpen irāha me.

⁴ Kurirə kīmiaha kuatia kuatia hiəiri pran tihəkupwən mhəukurən noien sə rəmher, mo ikinan, mo nisaiien kamiri pran irə.

⁵ Tihəpwəh niriiēn pran ia suatuk sə hiaməkurirə a nāfe nīpwramiaha rokeikei pīk rəmwhēn ia nərmana səməme hərəirei Kumwesən kamho.

⁶ Ia narimnari me nāha, kīmiaha riti trəpwəh noien rərāha ia piəvni makres səvənhi pran uə tini. Iərimənu səkitaha trərpwīn noien ərāha səvəi nərmana me nāha səməme kamho noien nāha rəmwhēn iahəuvəni skai raka tukumiaha.

⁷ Kumwesən rīpkəkwein mhə kitaha mə tsamesi pen noien sə rəmkemik, mətə noien sə rəmher, mo ikinan i.

⁸ Ro pen iərmama sə ruvei pen təkutan

4:1: 2Tes 3:6 **4:3:** 1Tes 5:23, Hip 10:10, 1Pit 1:16 **4:6:** Sam 94:1 **4:7:** 2Tes 2:13-14, 1Pit 1:15-16 **4:8:** Luk 10:16, Esik 36:27, Esik 37:14, 2Kor 1:22

m nəvəhagien i, riṗko mhə ruvei pen təkutan m iərmama, mətə ruvei pen təkutan m Kumwesən sə rauvei pehe Nənimwɪn Ikinan səvənhi m kimiaha.

⁹ Mətə ia nɪkaren səvəi nokeikeien sə hiamo m piəvtaha me kimaha tahərai nəkukuə tukumi-aha ti nəfe. Kumwesən rinahatən raka kimiaha mə tihaməkeikei mhokeikei kimiaha me. ¹⁰ Nənə pərhien hiokeikei piəvtaha me pam fwe Masetonia. Mətə piak me iahaməres pehe mə tihamo a iamɪnhi irə mamhəuvən.

¹¹ Tihaməkeikei mamhəmwur mamharə ia narəien afafa, mamhətui atukw a ti narimnari me səkimiaha, nənə mamho wok ia rəgimiaha rəmwhen a iahəuvəni raka tukumiaha i. ¹² Ia noien nəha nərmama iruə me tuhətoni noien sə hiamo ia nəpɪn me mə ratukwatukw a. Nənə tihəpwəh nətigiteien ia nərməpə me mə tuhəuvei pehe nəfe riwən təni kimiaha.

Nuveheien səvəi Iərimənu səkitaha

¹³ Piak me, kimaha iahokeikei mə tihaməkeikei mhəukurən kaməfo ia nərmama me i səməme həuvamhə mə tihəpwəh nasəkien ti nirəha rəmwhen ia nərmama səməme nari amasan riti riwən kamheitenhi mə truvehe. ¹⁴ Kitaha saməni nɪpərhienien mə Iesu rimamhə marə mətui mwɪ ia nemhəien səvənhi. Ro pen səukurən mə tuko mwɪ iamɪnhi irə ia nərmama me i səməme həməni nɪpərhienien ia Iesu meste hemhə. Kumwesən tripeki irəha hərərig mwɪ irəha Iesu. ¹⁵ Nəgkariien i iahaməni pehe tukumiaha i təkwtəkɔwuni in nəgkariien səvəi Iərimənu

4:9: Jon 13:34 **4:10:** 2Tes 3:4 **4:11:** Efes 4:28, 2Tes 3:8,12
4:12: 1Kor 5:12-13, Kol 4:5 **4:13:** Efes 2:12 **4:14:** Rom 14:9,
 1Kor 15:3-4,12 **4:15:** 1Kor 15:51

səkitaha. Kitaha i nərmama səməme saməmīru ihi meste nuveheien səvəi Iərimənu səkitaha, kitaha ko səpkukupwən mhə ia nərmama səməme həuvamhə raka. ¹⁶ Iərimənu səkitaha truku pen fwe ia neiai mameiwaiu pehe. Ia nəpīn nəha in trīni nəkwān, agelo sə in rasori ia nagelo me trəkwein, kisipw səvəi Kumwesən trasək, nənə nərmama səməme hāməni nīpərhiēnien ia Kristo meste hemhə irəha tuhəkupwən mhətui mwi ia nemhəien səvənraha. ¹⁷ Kurirə irə kitaha i səməme saməmīru ihi tukuvehi kitaha sətəkita minraha. Tsətəkita i nəpuə me tsətoni Iərimənu səkitaha ia nīmāgouagou. Nənə tsarə rerin kitaha Iərimənu səkitaha. ¹⁸ Ro pen tihəni nəgkiariēn me i tukumiaha me mhəuvehi utə nətərigien səkimiaha me irə.

5

¹ Mətə piak me, ia nīkaren səvəi nəpīn atukwatukw narimnari me nəha tuhəier pehe irə kimaha tahərai nəkukuə tukumiaha tī nəfe. ² Kimiaha hiəuvəukurən raka mə nəpīn i kani mə Nəpīn səvəi Iərimənu truvehe rəmwhen ia rakres sə rauvehe ia nəpīn. ³ Nəpīn nərmama kamhəni mə, “Narimnari me pam hāmərinu, nari riti tro nehekiriēn i riwən,” nənə, nərəhaiēn truvehe akwauakw tī nirəha rəmwhen ia pran sə təkutan rīnaməmīsə tī nərəhiēn tīni. Nənə ko irəha həkəkəp mhə.

⁴ Mətə piak me, kimiaha hiəkəkəkəp mhə ia nəpītəvien rəmwhen ia nirəha. Rīpkatukwatukw

mhə mə nəpɪn nəha tro kɪmiaha hiərkərinari rəmwhen ia rakres riti. ⁵ Kɪmiaha nɪpwnəti nukuraanien me mine nɪranien. Rɪpko mhə kɪtaha nɪpwnəti nəpɪtəvien me mine nəpɪn. ⁶ Ro iamɪnhi pwəh səpwəh nəmwhenien ia nərmama me i kamhapri, mətə pwəh samətui a, mhəpwəh noien rəmwhen ia nərmama me i kamhənimwi nənimwiien skai mamhakonə irə. ⁷ Iakani iamɪnhi irə ti nəri nə mə nərmama me i kamhapri, irəha kamhapri ia nəpɪn. Nənə nərmama səməme kamhənimwi nənimwiien skai mamhakonə irə, irəha kamho noien nəha ia nəpɪn. ⁸ Mətə kɪtaha i nɪpwnəti nukuraanien me. Pwəh sətui mhəpwəh nakonəien nənimwiien skai. Pwəh səkwətəmhiri noien səvəi nahatətəien mine nokeikeiien. Noien nəha rəmwhen ia tɪnari kɪno ia aean ramo tukuahag kwənpwenhi iərmama ti naruagəien. Pwəh səmri pen əknekɪn nətərigien səkɪtaha ia Kumwesən mamheitenhi in mə truvehimɪru kɪtaha. Noien nəha rəmwhen ia kəfəfau kɪno ia aean ramo tukuahag kənkəpwə iərmama ti naruagəien. ⁹ Kumwesən rɪpkrfi mhə kɪtaha mə niemaha səvənhi truvehe tukutaha, mətə rɪmərfi kɪtaha mə Iesu Kristo Iərimənu səkɪtaha truvehimɪru kɪtaha. ¹⁰ In rɪmamhə tukutaha mə saməmɪru uə səuvamhə raka tsəukurən narəien kɪtaha min.^a ¹¹ Ro iamɪnhi irə tihəuvehi utə nətərigien səkɪmiaha me, nənə mhərpwi əknekɪn kɪmiaha me rəmwhen sə hiamo ipwet mine.

Nəvəhagien me sampam

5:5: Rom 13:12, Efes 5:9

5:9: 1Tes 1:10, 2Tes 2:14

5:10: Rom 14:8-9, 1Tes 4:14 **a 5:10:** Suatuk riti mwi ti nɪnien nəgkiariien i ia vas 10 in i mə: “In rɪmamhə tukutaha mə samapri uə samətui tsəukurən narəien kɪtaha min.”

5:11: Jut 20

¹² Piak me, iahamæres pehe m kímiaha mæ tihæsiæi nærmama me næha kamhæse kímiaha minraha, sæmæme lærimænu sækitaha rimæuvehi utæ iræha hasori ia kímiaha, nænæ mamhævæhag m kímiaha. ¹³ Tihæsiæi amasan iræha mhokeikei iræha ti wok sæ kamho. Kímiaha tihamækeikei mharæ ia næmærinuien, mhæpwæh nævisæien m kímiaha me. ¹⁴ Nænæ piak me iahamæni pehe tukumiaha i mæ tihamækeikei mhægkiari skai m nærmama sæmæme kamharpaha. Nærmama sæmæme rerinraha ræpou tihægkiari vivi minraha mhæuvehi utæ nætærigien sævænraha. Hasitu ia nærmama sæmæme niskaiien sævænraha riwæn. Niemaha træpwæh næpi akwauakwien kímiaha, mætæ tiho nætærigien sækímiaha ræpwæmwis ti niræha pam. ¹⁵ Trini minuæ nærmama kamho ræraha ia kímiaha, mætæ tihæpwæh nærpwiniien tai noiien sævænraha. Næpin me pam tihamækeikei mhousari mæ tiho ramasan m kímiaha me mine nærmama me pam.

¹⁶ Rerímiaha tramækeikei mamagien ia næpin me pam, ¹⁷ nænæ, mhægkiari m Kumwesæn ia næfwakiien ia næpin me pam. ¹⁸ Næpin me pam tihæni tanak ti Kumwesæn næri auær a mæ hiamaræ ia namasanien uæ nærhæien. Tiho iamihni ti næri næ mæ in i nækwai Kumwesæn sæ in rokeikei mæ kímiaha nærmama sævæi Iesu Kristo tiho.

¹⁹ Tihæpwæh niniseien Nænimwin Ikinan. ²⁰ Tihæpwæh nætæ ærhæien nægkiariien sævæi iærmama riti sæ rini mæ Kumwesæn rimæuvei pen nægkiariien næha min. ²¹ Hætoni amasan

5:12: 1Kor 16:18, 1Tim 5:17 **5:14:** 2Tes 3:6,11,15 **5:15:**
 Prov 20:22, Rom 12:17, 1Tes 3:9 **5:16:** Fil 4:4 **5:17:** Luk 18:1
5:18: Efes 5:20 **5:19:** Efes 4:30 **5:20:** 1Kor 14:1,39

nənə mhəkiri amasan narimnari me pam, nənə, mhəkwətəmhiri əknekɪn nəri amasan, ²² nənə, mhəpwəh narimnari me pam səməme hərəha.

²³ Pwəh Kumwesən əpa i Kumwesən səvəi nəmərɪnuien ro kɪmɪaha hɪəuvehe mhəmher pam. Pwəh in ro nənɪmwɪn me pam səkɪmɪaha, mɪne nɪmɪruien me pam səkɪmɪaha, mɪne nɪpwramɪaha me pam tuhatukwatukw ia nəpɪn lərɪmənʉ səkɪtaha Iesu Kristo truvehe irə. ²⁴ Kumwesən rɪnəkweɪn raka kɪmɪaha, nənə, kɪmɪaha hɪəukurən nətɪgɪteien irə mə in tro narimnari me nəha.

²⁵ Piak me, tihəfwaki tukumaha. ²⁶ Tihəni ramasan tɪ piəvtaha me, mhakei mɪnraha ia nakei-ien sə rəmher. ²⁷ Ia nəghɪ lərɪmənʉ səkɪtaha iakani skai tukumɪaha i mə tihəvsɪni irapw nəkukuə i m piəvtaha me pam.

²⁸ Pwəh namananien səvəi lərɪmənʉ səkɪtaha Iesu Kristo tramarə tukumɪaha.

Nəkukuə Ikinan
The New Testament in the Nafe (Kwamera) language
of Southeast Tanna, TAFEA Province, Vanuatu
Niutestamen long lanwis Nafe blong Vanuatu.
Le Nouveau Testament dans la langue Nafe de
Vanuatu.

copyright © 2013 Wycliffe Bible Translators, Inc.

Language: Nafe (Nafe)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-06-18

PDF generated using Haiola and XeLaTeX on 22 Feb 2024 from source files dated 31 Aug 2023

26b0f540-c192-5878-be67-18ede9ab1416